



Broj: 04/5-50-15-449-3/15
Sarajevo, 28.5.2015.

PREDMET: Izvještaj sa 60. proljetnog zasjedanja Parlamentarne skupštine NATO-a, održanog u Budimpešti od 15. do 18.5.2015.

U radu 60. proljetnog zasjedanja Parlamentarne skupštine NATO-a, održanog u Budimpešti od 15.5. do 18.5.2015., učestvovali su: Nikola Lovrinović, predsjedavajući, i Asim Sarajlić, član Delegacije Parlamentarne skupštine BiH u PSNATO-a.

15.5.2015.

Održan je sastanak sekretara delegacija tokom kojeg je detaljno prezentiran plan rada, nacrt predloženih deklaracija, informacija o rasporedu rada komiteta proljetnog zasjedanja PSNATO-a.

Delegacija PSBiH u PSNATO-a posjetila je Ambasadu BiH u Republici Mađarskoj gdje ih je primio Željko Janjetović, ambasador Bosne i Hercegovine u Republici Mađarskoj, sa saradnicima.

Ambasador Janjetović sa saradnicima upoznao je Delegaciju s aktivnostima Ambasade u Republici Mađarskoj, stanju bilateralnih odnosa BiH i Mađarske, aktivnostima u vezi s pripremom i učešćem Delegacije PSBiH u radu 60. proljetnog zasjedanja PSNATO-a.

16.5.2015.

Rad proljetnog zasjedanja PSNATO-a odvijao se prema utvrđenom planu. Prije početka rada komiteta održani su sastanci političkih grupacija Konzervativaca i Kršćanskih demokrata, Alijanse liberala i demokrata i grupacije Socijalista. Na spomenutim sastancima razmijenjena su mišljenja o temama koje su predviđene za raspravu tokom proljetnog zasjedanja.

Delegacija PSBiH prisustvovala je sjednici Komiteta za odbranu i sigurnost PSNATO-a kojim je predsjedavala predsjedavajuća **Nicole AMELINE** (Francuska).

Tokom zasjedanja Komiteta razmatrano je sljedeće:

1. Komentar generalnog sekretara *NATO-a*, predsjedavajućeg *Sjevernoatlantskog vijeća*, o političkim preporukama koje je *PSNATO* usvojila tokom 2014.
2. Generalni izvještaj Hibridno ratovanje: novi izazov za NATO
3. Nacrt izvještaja Potkomiteta za buduće sigurnosno-odbrambene sposobnosti Spremnost Akcionog plana: *Osiguranje i odbrana za sigurnosno okruženje nakon 2014.*
4. Nacrt izvještaja Potkomiteta za transatlantsku odbrambeno-sigurnosnu saradnju *Ostvarenje ciljeva samita: jačanje transatlantske veze*
5. Nacrt posebnog izvještaja o Afganistanu - *Post-ISAF Afganistan*

Tokom zasjedanja Komiteta održana je panel-diskusija kojom je predsjedavao general-pukovnik **John W. NICHOLSON Jr.**, komandant, Saveznička kopnena komanda NATO-a, i **Stephen R. COVINGTON**, savjetnik za strateške i međunarodne poslove SACEUR (vrhovni saveznički komandant Evrope), za razvojnu strategiju NATO-a prema jugu.

Prezentacije o stanju u sektoru odbrane Mađarske održali su **Csaba HENDE**, ministar odbrane Republike Mađarske i **general Tibor BENKO**, šef odbrane i načelnik mađarskih oružanih snaga.

Učesnici u radu Komiteta upoznati su i s Rezimeom budućih aktivnosti Potkomiteta za buduće sigurnosno-odbrambene sposobnosti i Rezimeom budućih aktivnosti Potkomiteta za transatlantsku odbrambeno-sigurnosnu saradnju.

17.5.2015.

Članovi Delegacije PSBiH učestvovali su u radu Komiteta za politička pitanja.

Komitet za politička pitanja PSNATO-a kojim je predsjedavao **José LELLO** (Portugal), predsjedavajući, razmatrao je:

1. Komentar generalnog sekretara *NATO-a*, predsjedavajućeg *Sjevernoatlantskog vijeća o političkim preporukama koje je PSNATO usvojila tokom 2014.*
2. Nacrt generalnog izvještaja *Rusija i euroatlantska zajednica*
3. Nacrt izvještaja Potkomiteta o partnerstvu NATO-a; *Partneri NATO-a širom svijeta*
3. Nacrt izvještaja Potkomiteta za transatlantske odnose - *Nestabilnost u Levantu – izazovi za sigurnost NATO-a*

Tokom zasjedanja Komiteta za politička pitanja održana je prezentacija **Istvána MIKOLA**, državnog sekretara za politiku sigurnosti i međunarodnu saradnju Ministarstva za vanjske poslove i trgovinu Mađarske, o ulozi Mađarske u trianglu *EU - SAD - Rusija*, prezentacija ambasadora profesora **Istvána GYARMATI**, predsjednika Međunarodnog centra za demokratsku tranziciju, Mađarska, o temi: *Kriza u Ukrajini – test za transatlantsku solidarnost*, te prezentacija **Florence GAUB**, višeg analitičara, Institut za studije sigurnosti EU, o *Libiji: od oslobođenja do lustracije.*

18.5.2015.

Članovi Delegacije PSBiH u PSNATO-a i Šefik Džaferović, predsjedavajući Predstavničkog doma PSBiH, učestvovali su u radu plenarnog zasjedanja PSNATO-a.

Tokom zasjedanja Parlamentarne skupštine NATO-a Šefik Džaferović izrazio je čvrsto opredjeljenje Bosne i Hercegovine da dalje napreduje u procesu evropskih i euroatlantskih integracija.

U obraćanju učesnicima 60. proljetnog zasjedanja Parlamentarne skupštine NATO-a predsjedavajući Džaferović naglasio je da su evropske i euroatlantske integracije i interes i cilj naše države. Izražavajući uvjerenje da trajno stabilne Evrope nema bez stabilnog Balkana, te da stabilnog Balkana nema bez stabilne Bosne i Hercegovine, predsjedavajući Džaferović istaknuo je da euroatlantska agenda BiH i Balkana jeste veoma važna i za ovaj region, kao i za cijelu Evropu.

Osim predsjedavajućeg Džaferovića, učesnicima su se, na poziv predsjedavajućeg Parlamentarne

skupštine NATO-a Michaela Turnera, obratili i predsjednici parlamenata Crne Gore, Gruzije i Makedonije.

Parlamentarna skupština NATO-a usvojila je u Budimpešti i Deklaraciju o proširenju NATO-a u kojoj se potvrđuje puna i stalna podrška proširenju NATO-a državama koje teže ka članstvu – Bosni i Hercegovini, Gruziji, Crnoj Gori i Makedoniji.

U Deklaraciji, u kojoj se navodi da će Crna Gora do kraja 2015. godine biti pozvana da se pridruži NATO-u, ističe se da vrata NATO-a ostaju otvorena za evropske zemlje koje su spremne i mogu ispuniti zahtjeve za članstvo, te pozivaju vlade i parlamente država koje teže ka članstvu da udvostruče napore i riješe preostala pitanja na svom putu ka članstvu u NATO.

Delegacija PSBiH u PSNATO-a i predsjedavajući Džaferović su nakon 60. proljetnog zasjedanja PSNATO-a u Budimpešti odlučili uputiti pismo Ministarstvu vanjskih poslova BiH u kome bi posebno istakli veoma angažiran i profesionalan odnos ambasadora BiH u R Mađarskoj Željka Janjetovića i njegovih saradnika u pripremi i toku 60.proljetnog zasjedanja PSNATO-a.

Izveštaj sačinio:
Sekretar Delegacije
Željko Grubešić

PREDSJEDAVAJUĆI DELEGACIJE
Nikola Lovrinović

Prilozi:

- Deklaracija o proširenju NATO-a
- Izlaganje Šefika Džaferovića, predsjedavajućeg Predstavničkog doma PSBiH na plenarnom zasjedanju PSNATO-a